



陂塘

在莊下个伙房屋，四圍係茶園，屋面前有一條路，路个對面係一大片个菜園，菜園脣有一口大陂塘。陂塘面長年透天藻仔拿到淦淦撈撈，分人看毋出水汶抑係水鮮，乜看毋出水深抑係水淺。下把仔，一群鴨仔安然自在泅來泅去，在這恬靜个陂塘肚絡食，食藻仔食到飽餬餬。陂塘角水浮蓮在水面頂浮浮有有，陂塘脣竹仔搭个菜瓜棚探到陂塘面，到熱天開等黃色个花，青里里个菜瓜，纜纜吊吊打在水面頂。

這口陂塘乜毋知係麼人个產業，自係知人我開始，歸陣細人仔就在茶園肚弄來弄去搞园人尋，嘴渴肚尿枵，就走去菜園摘筍瓜仔食；搞恹咧，跔在菜園脣遠遠看人在陂塘脣釣魚仔。細時節，阿公長透話係兜講「該位識有人浸死，有水鬼仔會拉人」，所以一到臨暗仔，係這陣細人仔無一個敢留在該位，阿姆係喊係去菜園摘菜，一儕人高不將愛經過陂塘脣，心肝肚就驚驚險險，緊浮出該水鬼仔得人驚个形影。大了後想起來，怕係阿公驚係兜細人仔去陂塘搞水，編出來嚇係兜个。

陂塘尾用石牯作起來，水淦愛放水搬走幾隻大石牯，水就直直流到崁下个河壩去。有一擺陂塘水放忒，斯伸著一大窟濫泥竇，係赤腳嫲踏跔等鄰舍，拿等盆仔、水桶去摸魚仔、拈螺廔仔，該量時正第一擺看清歸隻陂塘个全景。福壽魚當精，斯恬恬仔在泥竇肚园等，係跔下身輕手輕腳慢慢仔摸，這就係華語講个「渾水摸魚」啦！細心細意係感覺著魚仔就一手抓頭、一手抓尾。魚仔滑溜溜仔大力緊奮，這時愛煞煞放落水桶肚，毋堵好像分佢奮走，該就正經「菜籃掙水一場空」咧。

陂塘肚還有螺廔仔好拈，在雜貨店个米格、豆仔格會放半析螺廔殼，拿來舀米、張豆仔來稱重已利便。赤腳潔落濫泥肚擲就擲毋起，腳盤係徑著螺廔仔，屎脰就坐到濫泥肚舞到歸頭歸面，這兜生趣个樣子，掙到大家哈哈大笑。比巴掌嫲較大个螺廔仔滿陂塘都係，儘採就拈有兩畚箕，浸淨吓泥幾下日過，焯一大鑊擘著一大盤肉，炒蒜頭、落兜米酒、加兜七層塔再過用豆油炒香，該韌韌香香个螺廔肉，係戴在細山莊个人家難得有个海味。

細細一口陂塘，冬去春來孕育萬物生命，這位有千姿百態个湖光美景；這位有生生不息个生命力；這位有安然自在个恬靜；這位有係樂暢个童年。

作者：李夢花

☆詞彙學習☆

【淦淦撈撈】nem` nem` zad` zad`：形容生長得濃密的樣子。

【浮浮有有】po po pang` pang`：形容很多東西漂浮在液體上。

【纜纜吊吊】nam nam diau` diau`：形容物品垂掛的樣子。

【話係兜】：va+ ngai deu`：勸告我們。

【赤腳嫲踏】chag giog ma` dab`：打赤腳。

【螺廔仔】lo be` er：蚌。體軟有殼，在淡水池塘常見。

【奮】bin`：掙扎。

【潔落】lab log`：陷進。